



**Hmong cultural center.**  
995-university.st Paul,M N.55104  
651- 917-9937. suite 214

## **Cov nkauj plig.**

**=Zaj nkauj plig qab Cub.**

**=Zaj nkauj plig noj sus.**

**=Zaj nkauj hlawv ntawv.**

**=Zaj txhiaj,txhais plig.**

**=Tus hais: major.Tougeu lee.**

**Major. Tougeu leepalao.**  
687 charles ave.st Paul,M.N 55104. H.  
995 universty ave, stpaul,MN55104. w.

= **Education:** 1950 Lao grade school certificate phone-savanh province xieng khouang laos.

- = 1953 special guerrilla unit and parachute training camp cap saint Jacque province Saigon south Vietnam.
- = 1960 French grade school certificate xiengkhouang laos.
- = 1963 military cadet school phakhao laos trained to be a military officer.
- = 1966 training in general long cheng laos acted as a technical training staff at long cheng ste 20. A.

### = **Experience:**

- = 1964 Commander in chief. Ban Na Laos. Acted as a coordinator for.Zone. 2 A. site 15.
- = 1966 commander in chief saneune laos acted as a coordinator to manage Zone . 12 B. site 184.
- = 1967 chief of training moung cha Laos. responsible for training guerrilla unit and.B.O.C.troops at site 113 training camp.
- = 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and.MTT. troops at Long cheng training camp center.
- = 1971-75 Commander in chief at Sainthong Laos. managed and Director the .B.O.C. for site 20.
- = 1992 present Cultural instructor Hmong cultural center St Paul, MN 55104 teach Hmong cultural,history and language adolescent And adults and provide cultural counseling to Hmong community

**Reference:** Available upon request.

### **Major Tougeu leepalao lub neej.**

- = kuv yug lub: 7/20/30 nyob lub zos phwv lwj, Toj xeem nas vas,moos hmoob xeev kham ( xiengkhouang Laos )
- =kuv kawm ntawv los tsuas tiav nqe: P. 3 xeem tau daim: Certificate xyoo 1950 nyob Phonesavanli( laos )
- =xyoo 1953 kuv kawm kev cai ua tub rog hav zoov ( special guerrilla unit parachute) nyob nyab laj qab teb lub nroog Capsaint Jacque province in SAIGON south Vietnam) tau 8 lub hlis mam li kawm tiav.
- =xyoo 1960 kuv kawm ntawv fab kis tiav nqe: P. 6. thiab xeeem tau daim. Certificate. P. 6. nyob xeevkham (xiengkhouang Laos.).
- = xyoo 1961 kuv tau txaits lub hwj chim tub rog pawg pua ( soulieutenant) yog huab tais nplog muab.
- = xyoo 1962 kuv mus kawm kev cai ua thawj tswj tub rog pawg pua nyob pham qhom tau 6 hli, kuv tau txaits lub hwj chim thawj tswj tub rog yog : (Lieutenant).
- = xyoo 1963 kuv mus ua thawj tswj tub rog pawg txhiab nyob: Banna.zon : 2. A. SL. 15 .specialGuerrilla unit and A.D.C.
- = xyoo 1965 kuv mus kawm kev cai nyob office staff thiab kev cai tswj hwm tub rog pawg txhiab nyob looj ceeb tiav nrog daim : Certificate. Thiab tau txaits lub hwj chim: Captaine ( xab khais tob ).
- =xyoo 1966 kuv ua thawj tswj tub rog pawg txhiab nyob lub nroog moos xuab xeev xas niam. Zon. 12. B.LS. 184. lub roob tuam phwv lis.
- =xyoo 1967 General Vang Pao hu kom kuv ua xib hwb qhia tsoom tub rog: S.G.U. and B.O.C. nyob rau lub yeej moos cuab ( camptraining center moung Decha. SL. 113. ( xieng khouang LAOS ).

## =Zaj nkauj plig qab cub.

1/-Paj mos mos sib saub sis laws nplia xiv muam paj xib lis mos ! ua txiav xyoo no duab ntxoo niam nkauj plig ces Nws caj hlaub cev lis cua esqaij qaug yeev los lawm lej hos! Haj tseem tshuav nws cev ntsuj mam huab lis xyw es sawv nruij nraim tuaj rau saum tus nplaim dej no iv sub es!! =Paj moş mos sib saub! Saub sis laws nplia xiv muam paj xi lis mos! Ua txiav xyoo no ces duab ntxoo niam nkauj plig ces nws caj hlaub cev lis cua qaij qaug yeev los lawm ntxuv haj tseem tshuav nws cev ntsuj mam huab lis xyw sawv nruij nraim tuaj rau saum tus nplaim thuv no iv sub!!!

2/-yog qas tsi ua nthaw tuaj hos! Yog caj suab cag li suv ua nthaw tuaj es! Yog qas tsi ua nthaw los! Yog caj suab cag li suv ua nthaw los, caj suab cag li suv hlav ntsia sis nrawv duab ntxoo niam nkauj plig 48 yas txha nyob dam nkig tej sis nkub, duab ntxoo niam nkauj plig li sawv ncoj cev yees los tshoj tas nkauj lag niaj dab ib tug npau ntub no iv saub. =yog qas tsi ua nthaw los es! Yog caj suab cag li suv ua nthaw los hos! Caj suab cag li suv hlav ntsia sis nrawv duab ntxoo niam nkauj plig 48 yas txha nyob dam nkig tej sis nkuav, duab ntxoo niaj nkauj plig li sawv ncoj cev yees los tshoj tas nkauj lag niaj dab ib tug npau suav no iv sub es!

3/-Nkauj lag nyob nkauj lag ès, nkauj lag pom nab raj ntaug leev tav nkaus nkauj lag txoj hauv kab, nkauj lag nplooj siab nyob tsis qab es! kaj ntug tag kis kaj hos xab ntuj tag kis ntxov nkauj lag tes lauj caum cwj xyab hos lauj nas caum cwj ntawv ntoj neeb lawm ntuj sua teb tom qab, txiv neeb

=xyoo 1969 kuv tau txais lub hwj chim : Commadant Major ) ntawm huab tais los tsuas thiab ua xib hwb qhia: S.G.U... B.O.C...MTT. nyob lub yeej looj ceeb camptraining center longcheng .

=xyoo 1970- 74. kuv ua lwm tswj qhia tub rog nyob rau lub yeej looj ceeb. ( I was a vice Director camptraining center long cheng. Xiengkhouang Laos ).

=xyoo 1976 kuv tau coj poj niam tub se khlav tawm lub teb chaws los tsuas mus rau lub yeej thoj nam noom qhais thaib teb vim nyob tsis taus los tsuas teb lawm.

= xyoo 1978 kuv tau ua neeg thoj nam mus rau fab kis teb ( French ) nyob lub zos lav nyis. ( Lagny Paris )

= xyoo 1982 kuv tau thoj nam mus nyob lub zos Kas kos xeev kis yas nas. ( Guyane francaise- French Guiana

=xyoo : 9/9/89 kuv tau thoj nam mus rau America.usa mus nyob lub zos . Saint Paul, Minnesota.

= xyoo: 4/23/ 1991 kuv tau txais daim npav ntsuab nyob America teb lawm. ( greencard )

= xyoo 1993 kuv tau txais lus pom zoo los ntawm 18 xeem hmoob nyob Minnesta kom kuv ua tus xib hwb tshawb fawb qhia hmoob kab lis kev cai, kev cai lij choj xws li: mooj kav, moj coj, moj yam, moj yeeg qauv lw mooj keeb cag ko khaws cia ua hmoob puav pheej.

= xyoo : 4/ 30 / 1998 kuv mus xeem tau daim ntawv txia ua neeg American lawm.

Commadant. Tougeu leepalao

muab cwj xyab ntsuas sis zoj, cwj ntawv ntsuas sis zus nyuj dab los tsis tawd hos, npua tai los tsis qiang es!yuav qiang sis zus duab ntxoo niam nkauj plig lub niag kauj vab nov ib sub es !.

= nkauj lag nyob nkauj lag es! Nkauj lag pom nab ris ntaug leev tav nkaus nkauj lag txoj hauv kev es! Nkauj lag nplooj. siab nyob tsis ntev es! Kaj ntug tag kis kaj hos! Xab ntuj tag kis ntxov, nkauj lag tes lauj caum cwj xyab hos! Lauj nas caum cwj ntawv ntoj neeb sis zus lawm ntuj sua teb tom pes txiv neeb muab cwj xyab ntsuas sis zoj es! Muab cwj ntawv ntsuas sis zus es nyuj dab los tsis tawd es npua tai los tsis qiang hos! Yuav qiang sis zus duab ntxoo niam nkauj plig lub niag nkauj lev nov ib sub es !.

4/- Laj tub lag sis yau yuav mus ntoj qoob los puv txhab li ua caij ua nyog sis zus yuav mus tos duab ntxoo niam nkauj plig rov los daws lub niag kauj vab no ib sub es!

= Laj tub lag sis yau ces li mus ntoj qoob los puv tsev es! Li ua caij ua nyog sis zus yuav mus tos duab ntxoo niam nkauj plig rov los daws lub niag kauj lev no ib sub es!.

5/- tshaj ntuj ces sawv huab ntxuj es! Los nag ces sawv huab ha hos! Laj tub lag sis yau ces tes lauj caum hneev thav, lauj nas caum hneev hli es! Yuav mus tos duab ntxoo niam nkauj plig los lawd ntuj txoos lub niag hli nra no ib sub es ! = tshav ntuj ces sawv huab ntxuj es! Los nag ces sawv huab deg hos! Laj tub lag sis yau ces tes lauj caum hneev thav, lauj nas caum hneev hli es! Yuav mus tos duab ntxoo niam nkauj plig los lawd ntuj txoos lub niag hli ntseg no ib sub es !.

6/-nkauj lag siv los qhub hais tias: hneev thav los raug tsis muaj es! Hneev hli los raug tsis tau, hneev thav ces raug lawm ntuj niam teb txiv qab mus ntaiv ntuj hos! Hneev hli ces raug lawm ntuj niam teb txiv tej qab zeb, laj tub lag sis yau li mus txib ntiaj teb nkawd tub txib tes lauj caum hneev thav, lauj nas caum hneev hli ncig sis yeev mus txog tej qab teb li tsa ncauj hu lawm niaj 3 suab duab ntxoo niam nkauj plig li tsim li dheevev niaj dab tus npoo hleb no iv sub es!

= nkauj lag siv los qhub hais tias: hneev thav los raug tsis muaj es! Hneev hli los raug tsis tau, hneev thav ces raug lawm ntuj niam teb txiv qab mus ntaiv ntuj hos! Hneev hli ces raug lawm ntuj niam teb txiv tej qab zeb, laj tub lag sis yau yuav mus txib ntiaj teb nkawm tub txib tes lauj caum hneev thav, lauj nas caum hneev hli es! Ncig sis yeev mus txog tej qab nrag, li tsa ncauj hu lawd niaj peb zag, duab ntxoo niam nkauj plig li tsim li dheevev niaj dab tus npoo ntxa no ib sub es !!

7/-niaj dab tus npoo hleb siv los qub tias: duab ntxoo niam nkauj plig ntuj hnub mus tav nov es koj yuav sawv ncoj cev yees mus ua niaj dab tus tsav tsi es! Duab ntxoo niam nkauj plig yuav siv los qhub hais tias: yog ntiaj teb nkawm tub txib tes lauj caum hneev thav, lauj nas caum hneev hli ncig sis yeev txog tej yas kab yuav tuaj tos duab ntxoo niam nkauj plig rov mus daws lub niag nkauj vab no ib sub es !!

= niaj dab tus npoo ntxa yuav siv los qhub hais tias: duab ntxoo niam nkauj plig ntuj hnub mus tav nov koj yuav sawv ncoj cev yees ua niaj dab tus tsav tsi ? duab ntxoo niam nkauj plig yuav siv los qhub tias: yog ntiaj teb nkawm tub txib tes lauj caum hneev thav, lauj nas caum hneev hli ncig sis yeev txog tej yas kev yuav tuaj tos duab ntxoo niam nkauj plig rov mus daws lub niag kauj lev no ib sub

8/-nijab dab tus npoo hleb yuav raws ua ntshua niab duab ntxoo niam nkauj plig los tsis taus! Laj tub lag sis yau li nkaus hlo dev daj tus kaus ntswj hos! Dev dub tus kaus nkhaus tua rua lo lis ruav los quas kab, duab ntxoo niam nkauj plig li luag lis ntxhi nqis sis nroos rau lub niag kauj vab no ib sub es !..

= npliam mos mos sib saub saub sis laws nplia xiv muam paj xib lis mos ! ua txiav nijab dab tus npoo ntxa yuav raws ua ntshua niab duab ntxoo niam nkauj plig los tsis taus laj tub lag sis yau li nkaus hlo dev daj tus kaus ntswj hos dev dub tus kaus nkhaus tua rua lo lis ruav los quas kev duab ntxoo niam nkauj plig li luag lis ntxhi nqis sis nroos rau lub niag kauj lev no ib sub es !

9/- duab ntxoo niam nkauj plig siv los qhub tias: ua cas thaum ub nws ua neej nyob, nws nrog luag ua zam ces ntoo phuam ntoo 19 ncab, ua cas zaum no nws nrog luag ua zan es! Tsuas pom lub tsho maj tsho ntuag qos lis ywd lub niag kauj vab no ib sub es !.

= duab ntxoo niam nkauj plig siv los qhub tias: ua cas thaum ub nws ua neej nyob, nws nrog luag ua zam ces ntoo phuam ntoo 19 ceg hos! Ua cas zaum no nws nrog luag ua zam es tsuas pom lub tsho maj tsho ntuag qos lis ywm lub niag kauj lev no ib sub es !!

10/- duab ntxoo niam nkauj plig yuav ncig yeev mus zaum ntua tej qab cub, nws yuav los nrog nws tub, nws kiv sis qawg qhub. Duab ntxoo niam nkauj plig nws yuav ncig yeev mus zaum ntua tej qab cais, nws yuav los nrog nws tub, nws kiv sib qawg hais no ib sub es !!!

11/- duab ntxoo niam nkauj plig siv los qhub tias nws tam li puj dab nyab cev qaug los lawm ntxuv, khaub ris, khaub tsho los lwj huv, nws tam li puj dab nyab cev qaug los lawm lej es khaub ris, khaub tsho los lwj tag, nws pw nws lis ko 3 txheej 3 tis av mus luaj dub, nws nqaij ceeb ntshav qas yiv los lau huv, nws pw nws lis ko 3 txheej 3 tis av mus luaj dag, nws nqaij ceeb ntshav qas yiv los lau tag es! Nws seev yees yuav mus cuag npoj es cuag tsis taus npoj ces, nws muab lub toj roob hauv lis pes ua zug ntoj hos! Nws seev yees yuav mus cuag pwg es cuag tsis taus pwg ces, nws muab lub toj roob hauv lis pes ua zug lwg hos! Zaum no kauj vab los daws tas nrhawv, kauj lev los daws tas nrho ces nws yuav plhis plho ua kab npauj kab xi es nws ntxuaj ces nws yuav ya, nws ya ces nws yuav plhis tsoos zog tuaj rau nruab av no ib sub es !!

= duab ntxoo niam nkauj plig siv los qhub hais tias: nws tam li puj dab nyab cev qaug los lawm lej es! Nws khaub ris, khaub tsho los lwj tag, nws tam li puj dab nyab cev qaug los lawm ntxuv nws khaub ris khaub tsho los lwj huv, nws pw nws lis ko 3 txheej 3 tis av mus luaj dub, nws nqaij ceeb ntshav qas yiv los lau huv, nws pw nws lis ko 3 txheej 3 tis av mus luaj dag, nws ntshav ceeb ntshav qas yiv los lau tag nws seev yees yuav mus cuag npoj cuag tsis taus npoj, nws muab lub toj roob hauv pes ua zug ntoj hos nws seev yees yuav mus cuag pwg cuag tsis taus pwg, nws muab lub toj roob hauv pes ua zug lwg, zaum no nkauj vab los daws tas nrhawv, kauj lev los daws tas nrho, nws yuav plhis plho ua kab npauj, kab xi nws ya ces nws yuav ntxuaj es, nws ntxuaj ces nws yuav plhis tsoos zog rau duab quav luaj no ib sub !

12/-duab ntxoo niam nkauj plig siv los qhub tias: xyoo no nws kwv nws tij ces ua poov xab,poov cawv ncho log tuaj saum nthab, li ua caij, ua nyoog mus tos duab ntxoo niam nkauj plig rov los daws lub niag kauj vab. No ib sub es ! = duab ntxoo niam nkauj plig siv los qhub tias: xyoo no ces nws kwv,nws tij ua poov xab,poov cawv ncho log tuaj saum tsev, li ua caij ua nyoog mus tos duab ntxoo niam nkauj plig rov los daws lub niag kauj lev no ib sub es ! = Zaum no kauj vab los daws tas nrhawv, kauj lev los daws tas nrho ces nws yuav plhis plho uakab npauj,kab xi ya mus tsaws ntua ntxwj nyug txoj kev av mus luaj dub,nws yuav ua ib siab rov mus nrog nws poj koob yawm li txwv ua neej los sib hlub. = duab ntxoo niam nkauj plig siv los qhub tias: xyoo no nws kwv,nws tij ua poov xab,poov cawv ncho log tuaj saum tsev, li ua caij,ua nyoog mus tos duab ntxoo niam nkauj plig rov los daws lub niag kauj lev,zaum no kauj vab los daws tas nrhawv,kauj ley los daws tas nrho es nws yuav plhis plho ua kab npauj,kab xi ya mus tsaws ntua ntxwj nyug txoj kev av mus luaj liab, nws yuav ua ib siab rov mus nrog nws poj koob yawm lis txwv ua neej mus sau siab no ib sub es !

13/-kav yaj quaj lawd kav yaj es, kav yaj quaj muaj pag lis vawd ua zug coj hos! Kav yau quaj lawd kav yau es,kav yau quaj muaj pag lis vawd ua zug xa, yuav xa duab ntxoo niam nkauj plig rais luj ua tus feb,rais lees ua tus rov duab ntxoo niam nkauj plig tig ntiaj xib lees rov saib qab, pom qab nteeg ntxhee sis txias, quad nteeg ntxhee sis yuj es,pom nws tub,nws kiv tes lauj tuav cwj xyab,lauj nas tuav cwj ntawv kim caug lis rawv tuaj nram tiaj es, tu nws siab tej sis nrhawv nws siv los qhub tias: zaum no kauj vab los

daws tas nrho, kauj lev los daws tas nrhawv, nws yuav ua ib siab rov mus dia nws poj koob yawm lis txwv tej nqaws awv... kav yaj quaj lawm kav yaj es, kav yaj quaj muaj pag lis vawm ua zug coj hos! Kav yau quaj lawm kav yau es, kav yau quaj muaj pag lis vawm ua zug xa, yuav xa duab ntxoo niam nkauj plig rais luj ua tus feb, rais lees ua tus rov duab ntxoo niam nkauj plig tig ntiaj xib lees rov los saib qab yuav pom qab nteeg ntxhee sis txias, qaum nteeg ntxhee sis yuj es, pom nws tub,nws kiv tes lauj tuav cwj xyab, lauj nas tuav cwj ntawv kim caug lis rawv tuaj nram tiaj es, yuav tu nws siab tej sis nrho nws siv los qhub tias: zaum no kauj vab los daws tas nrhawv, kauj lev los daws tas nrho es nws yuav ua ib siab mus dia nws poj koob yawm li txwv tej nqaws tsho no ib sub es!!!

14/-duab ntxoo niam nkauj plig siv los qhub tias: hais rau nws tub,nws kiv es zaum no mus ces tseg tsis txoj es,tsawg tsis nrhiav,tseg tsis quaj es,tsawg tsis nyiav.cia nws mus txog 7 hli ntuj xub tshiab nqis tawm tuaj ces nws yuav plhis plho ua kab npauj,kab xi xiv lis laws tuaj tus ntsis nqaj es nws tub,nws kiv me plig nyiaj,plig kub,plig tub,plig kiv ces pw lis ko nws tub nws kiv tej npoo txaj no ib sub es !! =duab ntxoo niam nkauj plig siv los qhub tias: hais rau nws tub,nws kiv zaum no mus ces tseg tsis txoj es tsawg tsis nrhiav tseg tsis quaj es,tsawg tsis nyiav cia nws mus 7 hli ntuj xub tshiab nqis tawm tuaj ces,nws yuav plhis plho ua kab npauj kab xi xiv lis laws tuaj tus yees tsev nws tub,nws kiv me plig nyiaj,plig kub,plig tub,plig kiv ces pw lis ko nws tub,nws kiv tej npoo lev no ib sub es !!

15/-kav yaj quaj kav yaj, kav yau quaj kav yau, kav yaj nug kav tias kav yau koj nrov ntuj hnub mus tav no koj mag niaj pes tsawg caum qws? Kav yau hais tias: kuv mag 360 qws nrov sib tsub, muaj ib qws nrov zeeg tshaws daim tawv mus nyuj dub. Kav yau nug kav yaj tias: koj nrov ntuj hnub mus tav no koj mag niaj pes tsawg caum npuaj? Kav yaj tias kuv mag 360 npuaj, muaj ib npuag nrov mus muaj zag muaj ib npuag nrov zeeg tshaws daim nplaim tooj dag txiv sis npliag nkauj ces tsis muaj tag lawm tiag no ib sub es !!!

16/- kuv txiv nkauj ces nkauj tsis ncab, koj txiv qeej ces koj muaj txug cia zoo txuj es koj mam los tshuab 33 zag qeej los daws duab ntxoo niam nkauj plig lub niag kauj vab.  
 = kuv txiv nkauj ces nkauj tsis ntev, koj txiv qeej ces koj muaj txug cia zoo txuj es koj mam li los tshuab 33 zag qeej los daws duab ntxoo niam nkauj plig lub niag kauj lev no ib sub es.

= hais txog zaj nkauj plig qab cub mas tas li no xwb.

Tus hais yog: Major. Tougeu leepalao.

## Zaj Nkauj plig Su

1/- Paj mos-mos sib saub! Saub sib law nplia xiv muam paj xi lis mos ! ua txiav xyoo nov ces duab ntxoo niam nkauj plig ! nws caj hlaub cev lis cua qaij qaug yeev los lawm lej es ! haj tseem tshuav nws cev ntsuj mam huab lis xyw sawm nruij nraim tuaj rau saum tus nplaij dej nov ib sub !!  
 = Paj moš-mos sib saub ! saub sis law nplia xiv muam paj xi lis mos ! ua txiav xyoo nov ces duab ntxoo niam nkauj plig nws caj hlaub cev lis cua qaij qaug yeev los lawm ntxuv, haj tseem tshuav nws cev ntsuj mam huab xyw sawv nruij nraim tuaj rau saum tus nplaim tug no ib sub es !

2/- yog qas tsi ua nthaw tuaj es ! yog lawm caj suab cag lis suv ua nthaw tuaj hos ! yog qas tsi ua nthaw los ! yog lawd caj suab cag lis suv ua nthaw los ! caj suab cag lis suv hlav ntsia sis nrawv duab ntxoo niam nkauj plig 48 yas txha nyob dam nkig lawd tej sis nkub, duab ntxoo niam nkauj plig li sawv ncoj cev yees los tshoj tas nkauj lag tub lig niaj dab ib tug npau ntub no ib sub es !!

= yog qas tsi ua nthaw los es! Yog lawd caj suab cag li suv ua nthaw los hos ! caj suab cag li suv ces hlav ntsia sis nrawv duab ntxoo niam nkauj plig 48 yas txha nyob dam nkig lawm tej sis nkuav, duab ntxoo niam nkauj plig li sawv ncoj cev yees los tshoj tas nkauj lag tub lig niam dab ib tug npau suav no ib sub es !!.

3/- nkauj lag nyob nkauj lag es! Nkauj lag hnov kab zaug quaj xiv lis laws tuaj saum nthab, nkauj lag ces nplooj siab nyob tsis qab, kaj ntug tag kis kaj hos! Xab ntuj tag kis

10

ntxov, nkauj lag ces! Tes lauj caum cwj xyab hos! Lauj nas caum cwj ntawv, saib yaig mus rau txiv neeb nyob lawm ntuj sua teb tom qab, txiv neeb muab cwj xyab ntsuas lis zoj es! Muab cwj ntawv ntsuas lis zus! Nyuj dab los tsis tawd hos, npua tai los tsis qiang, yuav qiang sis zus duab ntxoo niam nkauj plig lub niag nkauj vab no iv sub es !! = nkauj lag nyob nkauj lag es! Nkauj lag hnov kab zaug quaj xiv lis laws tuaj saum tsev, nkauj lag nplooj siab nyob tsis ntev es! Kaj ntug tag kis kaj hos, xab ntuj tag kis ntxov nkauj lag ces! Tes lauj caum cwj xyab, lauj nas caum cwj ntawv saib yaig mus rau txiv neeb nyob lawm ntuj sua teb tom pes, txiv neeb muab cwj xyab ntsuas lis zoj hos, muab cwj ntawv ntsuas lis zus, nyuj dab los tsis tawd, npua tai los tsis qiang, yuav qiang sis zus duab ntxoo niam nkauj plig lub niag nkauj lev no ib sub es !!

4/- nkauj lag li rais lees rov los tsim dej, tsim cawv tau es! Laj tub lag sis yau yuav tsim tau khaub nas, khaub noog tiav ua txiav nkawm tub txib tsis muaj hos, nkawm tub khaiv tsis tau, laj tub lag sis yau yuav mus txib ntiaj teb nkawm tub txib li muab qeej lag los tshov, muab nruas muj yig lis qws rov los ntaus, ntaus ib qws nrov lawm 9 qws, muaj ib qws nrov mus duj ntxheb, muaj ib qws nrov muaj pag lis vawm yuav mus tsa duab ntxoo niam nkauj plig sawv ncoj cev yees niaj dab ib tug npoo hleb no ib sub es !! = ntiaj teb nkawm tub txib muab nruas muj yig lis qws rov los ntaus, muab qeej lag los tshuab, tshuab ib zag nrov lawm 9 zag, muaj ib zag nrov mus duj cav, muaj ib zag nrov muaj pag lis vawm yuav mus tsa duab ntxoo niam nkauj plig sawv ncoj cev yees yuav mus tsa duab ntxoo niam nkauj plig sawv ncoj cev yees niaj dab tus npoo ntxa

11

5/-duab ntxoo niam nkauj plig rais luij los txog tej yas kab nws yuav seev yuj yees hais tias: nws tam li puj dab nyab cev qaug los lawm ntxuv, khaub ris, khaub tsho los lwj huv nws tad li puj dab nyab cev qaug los lawm lej hos, khaub ris, khaub tsho los lwj tag, nws pw nws lis ko 3 txheej 3 tis av mus luaj dub, nws nqaij ceeb ntshav qas yiv los lau huv nws pw nws lis ko 3 txheej 3 tis av mus luaj dag, nws nqaij ceeb ntshav qas yiv los lau tag es, nws caj hlaub cev lis cua los tsis taus, nws caj hlaub cev lis cua los tsis nyog es ! nkauj lag ces li ncig sis yeev txog tom taj es, li nkaus lis hlo lub tsho maj tsho tis xov cab coj mus roos duab ntxoo niam nkauj plig lawm tej yas kab, duab ntxoo niam nkauj plig li luag lis ntxhi nqis sis nroos rau lub niag kauj vab no ib sub es !! = duab ntxoo niam nkauj plig rais luij los txog tej yas kev, nws yuav seev yuj yees hais tias: nws tam li puj dab nyab cev qaug los lawm lej hos! Khaub ris khaub los lwj tag, nws pw nws lis ko 3 txheej 3 tis twv av mus luaj dag, nws nqaij ceeb ntshav qas yiv los lau tag es ! nws caj hlaub cev lis cua los tsis taus, nws caj hlaub cev lis cua los tsis nyog es ! nkauj lag ces li ncig yeev txog tom taj es nkaus hlo lub tsho maj tsho tis xov ntev, coj mus roos duab ntxoo niam nkauj plig lawm tej yas kev, duab ntxoo niam nkauj plig li luag lis ntxhi nqis sis nroos rau lub niag nkauj lev no ib sub es !!

6/-nkauj lag ces yuav mus ncaws liaj ceg rau tsev peg hos! Mus ncaws liaj caug rau tsev taug es! Yuav muab liaj caug rov los tsau, kaj ntug tag kis kaj hos, xab ntuj tag kis ntxov nkauj lag sawv ntxov los ntaus ncuav nplej hos! Laj tub lag sis yau sawv ntxov los ntaus ncuav nplaum es! Yuav ntaus ncuav sis nyooj xws ncuav cab, li coj los ua duab ntxoo

niam nkauj plig lub tog zaum lis ntua lub niag kauj vab no ib sub es ! = nkauj lag ces yuav mus ncaws liaj ceg rau tsev peg es, mus ncaws liaj caug rau tsev taug hos! Li mus muab liaj caug rov los tsau es! Kaj ntug tag kis kaj hos, xab ntuj tag kis ntxov, nkauj lag sawv ntxov mus ntaus ncuav nplej hos, laj tub lag sis yau sawv ntxov mus ntaus ncuav nplaum es! Yuav ntaus tau ncuav sis nyooj xws ncuav cev li coj los ua duab ntxoo niam nkauj plig lub tog zaum lis ntua lub niag kauj lev no ib sub es !!

7/- los nag ces nag ntsuag zoov, zoov li tuaj taus ntsuag, laj tub lag sis yau yuav mus txib ntiaj teb nkawm tub txib tes lauj caum liag tooj es, lauj nas cau liag hlau yuav mus txiav lis nrawv txooj xyoob tus yas ncab coj los tuav duab ntxoo niam nkauj plig tes nqis sis nroos rau lub niag kauj vab no ib sub es !! = los nag ces nag ntsuag zoov, zoov li tuaj taus ntsuag, laj tub lag sis yau yuav mus txib ntiaj teb nkawm tub txib tes lauj caum liag tooj es, lauj nas caum liag hlau yuav mus txiav lis nrawv txooj xyoob tus yas ntev, li coj los tuav duab ntxoo niam nkauj plig tes nqis sis nroos rau lub niag kauj lev no ib sub es !!

8/- niam txiv dab rooj pag npaim yuav nug hais tias, duab ntxoo niam nkauj plig ua li koj seev yees los daws kauj vab kauj lev es, ua li tsoos maj koj puas tau hnav txhij hos, tsoos ntuag koj puas tau hnav txhua, duab ntxoo niam nkauj plig yuav hais tias: thaum ub nws ua neej nyob, nws nrog luag ua zam ces nws ntoo phuam ntoo 19 ncab. Ua cas zaum no nws nrog luag ua zam ces tsuas pom lub tsho maj tsho ntuag qos lis ywm lub niag kauj vab no ib sub es !!

=niam txiv dab rooj pag npaim yuav nug hais tias: duab ntxoo niam nkauj plig ua li koj yuav seev yees los daws lub kauj vab, kauj lev, ua li tsoos maj koj puas tau hnav txhij hos, tsoos ntuag koj puas tau hnav txhua, duab ntxoo niam nkauj plig yuav hais tias: thaum ub nws ua neej nyob, nws nrog luag ua zam ces ntoo phuam ntoo 19 chev, ua cas zaum no nws nrog luag ua zam ces tsuas pom lub tsho maj tsho ntuag qos lis ywm lub niag kauj lev no ib sub es !!

9/- niam txiv dab rooj pag npaim yuav nug hais tias: ua li duab ntxoo niam nkauj plig koj seev yees yuav los daws kauj vab, kauj lev ua li koj yuav los ntsib lawm leej twg? Duab ntxoo niam nkauj yuav teb hais tias: yog laj tub lag sis yau yuav mus txiav nrawv txooj xyoob tuaj nruab roob txooj rawm tuaj nruab dawg coj los phua plhawv tuab nruab nrab, muaj ib sab khwb los muaj ib sab qhib, xyoo no zoo niaj los zoo xyoo es neej dab li rais lees rov los sib ntsib no ib sub es !!

= niam txiv dab rooj pag npaim yuav nug hais tias: ua li duab ntxoo niam nkauj plig ! koj seev yees yuav los daws kauj vab, kauj lev es! Ua li koj yuav los mus ntsib lawm leej twg ? duab ntxoo niam nkauj plig yuav hais tias: yog laj tub lag sis yau yuav mus txiav lis nrawv txooj xyoob tuaj nruab roob, txooj rawm tuaj nruab dawg coj los phua plhawv tuaj nruab nrab muaj ib sab qhib los muaj ib sab pua xyoo no zoo niaj los zoo xyoo es neej dab lis rais lees rov los sib cuag no ib sub es !!

10/- duab ntxoo niam nkauj plig seev yuj yees hais tias: thaum ub nws ua neej nyob nws tsim tau tes nyiaj txiag cia qab hub, tes kub nyiag cia qab nas, zaum no tav caij sis zus

Caij yuav noj sus, nws yuav nco lis ntsoov noj sus ntxuag  
nws ntshav mus nyuj dag no ib sub es.!!

=duab ntxoo niam nkauj plig seev yuj yees hais tias: thaum  
ub nws ua neej nyob,nws tsim tau tes nyiaj txiag cia qab  
nas, tes kub nyiag cia qab hub, zaum no tav caij sis zus caij  
yuav noj sus, nws yuav nco lis ntsoov noj sus ntxuag nws  
ntshav mus nyuj dub no ib sub es !

11/- duab ntxoo niam nkauj plig yuav seev yuj yees hais  
tias: zaum no kauj vab los daws tas nrhawv,kauj lev los  
daws tas nrho es! nws yuav plhis plho ua kab npauj,kab xi  
ya plaws tsaws ntua ntxwj nyug txoj kev mus pua ntaub  
zaum no tav caij sis nroos caij yuav noj sus, luag muaj su  
ces luag nthuav luag su los noj hos! Duab ntxoo niam nkauj  
plig tsis muaj su noj ces, nws yuav nco lis ntsoov nws diav  
mus su qaub no ib sub es ! .

= paj mos-mos sib saub ! saub sis laws nplia xiv muam paj  
xi lis mos ! ua txiav duab ntxoo niam nkauj plig yuav seev  
yuj yees hais tias: zaum no kauj vab los daws tas nrhawv  
kauj lev los daws tas nrho es! Nws yuav plhis plho ua kab  
npauj,kab xi ya tsaws ntua ntxwj nyug txoj kev mus pua  
ntawv, zaum no tav caij sis nroos caij yuav noj sus luag  
muaj su ces luag nthuav luag su los noj hos ! duab ntxoo  
niam nkauj plig tsis muaj su noj ces ! nws yuav nco lis  
ntsoov nws diav mus su cawv no ib sub es !

12/- niam txiv dab rooj pag npaim yuav nug hais tias: ua li  
duab ntxoo niam nkauj plig ! zoo niadj los zoo xyoo es! Koj  
yuav seev yuj yees los daws kauj vab, kauj lev, ua li es  
nqaij hno koj puas tau noj txhij hos ! dej cawv koj puas tau  
haus txhua ? duab ntxoo niam nkauj plig yuav hais tias: noj

nqaij los yog nqaij tu kab, haus cawv los yog tu kev zaum  
no ces nws yuav rais lees rov lawm puag ntuj qub tsev es!  
Niaj txhiab mev txhis nws yuav tsis rov los nug nws lub  
niag nkauj lev lawd no ib sub es !

=niam txiv dab rooj pag npaim yuav nug hais tias: ua li  
duab ntxoo niam nkauj plig ! zoo niadj los zoo xyoo es! Koj  
yuav seev yuj yees los daws lub niag kauj vab, kauj lev es!  
Ua li nqaij hno koj puas tau noj txhij hos ! dej cawv koj  
puas tau haus txhua ? duab ntxoo niadj nkauj plig yuav seev  
yuj yees hais tias: noj nqaij los yog nqaij tu kev,haus cawv  
los yog cawv tu kab, zaum no nws yuav ua ib siab rais lees  
rov lawm puag ntuj qub qab, niadj txhiab mev txhis nws  
yuav tsis rov los nug lub niag kauj vab lawd no ib sub es !

13/- paj mos-mos sib saub! Saub sib laws nplia xiv muam  
paj xi lis mos ! ua txiav duab ntxoo niam nkauj plig seev  
yuj yees hais tias: txhia niadj mus txhia xyoo es! Nws seev  
yees yuav mus cuag npoj es! Cuag tsis taus npoj ces nws  
muab lub toj roob hauv lis pes ua zug ntoj hos, nws seev  
yees yuav mus cuag pwg cuag tsis taus pwg ces, nws muab  
lub niag toj roob hauv lis pes ua zug lwg es! Zaum no kauj  
vab los daws tas nrhawv, kauj lev los daws tas nrho ces  
nws yuav plhis plho ua kab npauj kab xi es! Nws ntxuaj ces  
nws yuav ya es! Nws ya ces nws yuav plhis tsoos zog cia  
rau nruab av no ib sub es !.

= zaum no nws kauj vab los daws tas nrhawv, kauj lev los  
daws tas nrho ces, nws yuav plhis plho ua kab npauj,kab xi  
es nws ya ces nws yuav ntxuaj es! Nws ntxuaj ces nws  
yuav plhis tsoos zog cia nruab quav luaj no ib sub es !!

14/- kav yaj ces quaj lawm kav yaj es! Kav yaj ces quaj

Muaj pag lis vawm ua zug coj hos! Kav yau quaj lawm kav yau, kav yau quaj muaj pag lis vawm ua zug xa, yuav xa duab ntxoo niam nkauj plig rais luj ua tus feb, rais lees ua tus rov, duab ntxoo niam nkauj plig tig ntiaj xib lees rov los saibqab, yuav pom qab nteeg ntxhee sis txias, qaum ntees ntxhee sis yuj es! Pom nws tub, nws kiv tes lauj tuav cwj xyab, lauj nas tuav cwj ntawv kim caug lis rawv tuaj nram tiaj es! Yuav tu nws siab tej sis nrhawv, nws siv los qhub hais tjas: zaum no kauj vab los daws tas nrho, kauj lev los daws tas nrhawv ces nws yuav ua ib siab mus dia nws poj koob yawm li txwv tej nqaws awv no ib sub es !!

= kav yaj ces quaj lawm kav yaj hos! Kav yaj quaj muaj pag lis vawm ua zug coj es! Kav yau quaj lawm kav yau kav yau quaj muaj pag lis vawm ua zug xa es! yuav xa duab ntxoo niam nkauj plig rais luj ua tus feb hos! Rais lees ua tus rov, duab ntxoo niam nkauj plig,tig ntiaj xib lees rov los saib qab, yuav pom qab nteeg ntxhee sis txias, pom qaum ntees ntxhee sis yuj es, pom nws tub, nws kiv tes lauj tuav cwj xyab, lauj nas tuav cwj ntawv kim caug lis rawv tuaj nram tiaj es ! yuav tu nws siab tej sis nrho, nws siv los qhub hais tias: zaum no kauj vab los daws tas nrhawv, kauj lev los daws tas nrho ces, nws yuav ua ib siab rov mus dia nws poj koob yawm lis txwv tej nqaws tsho, no ib sub es !!

15/- duab ntxoo niam nkauj plig siv los qhub hais tias: hais rau nws tub, nws kiv, zaum no ces, tseg tsis txoj es, tsawg tsis nrhiav, tseg tsis quaj es! Tsawg tsis nyiav cia nws mus xya hli ntuj xub tshiab nqis tawm tuaj ces, nws yuav plhis plho ua kab npauj, kab xi xiv lis laws tus ntsis nqaj es! Nws tub, nws kiv me plig nyiaj, plig kub, plig tub, plig kiv ces pw lis ko nws tej mus npoo txaj no ib sub es !

= duab ntxoo niam nkauj plig siv los qhub hais tias: hais rau nws tub, nws kiv es! Zaum no tseg tsis txoj hos! Tsawg tsis nrhiav es! Tseg tsis quaj hos! Tsawg tsis nyiav, cja nws mus xya hli ntuj xub tshiab nqis tawm tuaj es! Nws yuav plhis plho ua kab npauj, kab xi xiv lis laws tuaj tus yees tsev, nws tub, nws kiv me plig nyiaj, plig kub, plig tub, plig kiv ces pw lis ko nws tej mus npoo lev no ib sub es !!

16/- kav yaj ces quaj lawm kav yaj hos! Kav yau ces quaj lawm kav yau es! Kav yaj yuav nug kav yau hais tias: kav yau ! koj nrov ntuj hnub mus tav nov, koj mag niaj pes tsawg caum qws ? kav yau hais tias: kuv mag 360 qws nrov mus sib tsub, muaj ib qws nrov zeeg tshaws daim tawv mus nyuj dub. = kav yau nug kav yaj hais tias: kav yaj es! Koj nrov ntuj hnub mus tav nov, koj mag niaj pes tsawg caum npuam hos? Kav yaj hais tias: kuv mag 360 npuam es! Muaj ib npuag ces nrov mus muaj zag es! Muaj ib npuag ces yuav nrov zeeg tshaws daim npaim tooj dag txiv sis nplia nkauj ces tsis muaj tag lawd tiag no ib sub es !!

= kuv txiv nkauj ces, nkauj tsis ntsev, kuv yuav tso koj txiv qeej tes rau tej yas kab, koj txiv qeej ces, koj muaj txug cia zoo txuj es, koj mam li ntxias niam nkauj plig rov mus daws nws lub niag kauj vab no ib sub es !!

= hais txog zaj nkauj plig su mas tas li no xwb.

= Tus hais yog yawg: Major Tougeu leepalao.

## Zaj nkauj hlawv ntawv.

1/- Paj mos-mos sib saub! Saub sib laws nplia xiv muam paj xi lis mos ! ua li txiav xyoo nov ces ! duab ntxoo niam nkauj plig ces nws caj hlaub cev lis cua qaij qaug yeev los lawm lej hos! Haj tseem tshuav nws cev ntsuj mam huab lis xyw sawv nruj nraim tuaj rau saum nkauj lag tug lig tus nplaim dej nov ib sub es !

= paj mos-mos sib saub! Saub sib laws nplia xiv muam paj xi lis mos ! ua li txiav xyoo nov ces! Duab ntxoo niam nkauj plig ces! Nws caj hlaub cev lis cua qaij qaug yeev los lawm ntxuv! Haj tseem tshuav nws cev ntsum mam huab lis xyw sawv nruj nraim tuaj rau saum tus nplaim thuv no ib sub es !

2/- paj mos-mos sib saub! Saub sib laws nplia xiv muam paj xi lis mos ! ua li txiav yog qas tsi ua nthaw tuaj hos! Yog lawm caj suab cag lis suv ua nthaw tuaj es! Yog qas tsi ua nthaw los! Yog lawm caj suab cag lis suv ua nthaw los! Caj suab cag lis suv hlav ntsia sis nrawv duab ntxoo niam nkauj plig 48 yas txha nyob dam nkig lawd tej sis nkub! Duab ntxoo niam nkauj plig li sawv ncoj cev yees los tshoj tas nkauj lag tub lig niaj dab ib tug npau no ib sub es !

= paj mos-mos sib saub ! saub sib laws nplia xiv muam paj xi lis mos ! ua li txiav yog qas tsi ua nthaw tuaj es! Yog lawm caj suab cag lis suv ua nthaw tuaj hos! Yog qas tsi ua nthaw los! Yog lawm caj suab cag lis suv ua nthaw los! Caj suab cag lis suv hlav ntsia sis nrawv duab ntxoo niam nkauj plig 48 yas txha nyob dam nkig lawd tej sis nkuav! Duab

ntxoo niam nkauj plig li sawv ncoj cev yees los tshoj tas nkauj lag tub lig niaj dab ib tug npau suav no ib sub es !

3/- paj mos-mos sib saub! Saub sib laws nplia xiv muam paj xi lis mos ! ua li txiav nkauj lag nyob nkauj lag es! Nkauj hnov kab zaug quaj xiv lis laws tuaj saum nthab nkauj lag ces nplooj siab nyob tsis qab es! Kaj ntug tag kis kaj hos! Xab ntuj tag kis ntxov ! laj tub lag sis yau ces tes lauj caum cwj xyab hos! Lauj nas caum cwj ntawv yuav ntoj neeb sis zus lawm ntuj sua teb tod qab, txiv neeb muab cwj xyab ntsuas lis zoj es! Muab cwj ntawv ntsuas lis zus! Nyuj dab los tsis tawd hos! Npua tai los tsis qiang es! Yuav qiang sis zus duab ntxoo niam nkauj plig lub niag nkauj vab. No ib sub es ! = paj mos- mos sib saub! Saub sib laws nplia xiv muam paj xi lis mos! Ua li txiav nkauj lag nyob nkauj lag es! Nkauj lag hnov kab zaug quaj xiv lis laws tuaj saum tsev, nkauj lag ces nplooj siab nyob tsis ntev es! Kaj ntug tag kis kaj hos! Xab ntuj tag kis ntxov laj tub lag sis yau tes lauj ces tuav cwj xyab hos! Lauj nas tuav cwj ntawv yuav ntoj neeb sis zus lawd ntuj sua teb tod pes! Txiv neeb muab cwj xyab ntsuas lis zoj hos! Muab cwj ntawv ntsuas sis zus nyuj dab los tsis tawm, npua tai los tsis qiang yuav qiang sis zus duab ntxoo niam nkauj plig lub niag kauj lev no ib sub es !

4/- Paj mos-mos sib saub! Saub sib laws nplia xiv muam paj xi lis mos! Ua txiav nkauj ces li rais lees rov los tsim dej tsim cawv tau hos ! laj tub lag sis yau ces! Li rais lees rov los tsim khaub nas, khaub noog tiav, ua txiav nkawd tub txib tsis muaj es! Nkawd tub khaiv tsis tau hos ! laj tub lag sis yau ces! Yuav mus txib ntiaj teb nkawd tub txib,

muab qeej lag los tshov es ! muab nruas muj yig lis qws rov los ntaus ! yuav ntaus ib qws nrov lawm 9 qws, muaj ib qws nrov mus duj ntxheb es! Muaj ib qws nrov muaj pag lis vawm yuav mus tsa duab ntxoo niam nkauj plig sawv ncoj cev yees niaj dab tus npoo hleb no ib sub es !!  
= ua txiav nkauj lag ces li rais lees rov los tsim dej tsim cawv tau hos! Laj tub lag sis yau ces li rais lees rov los tsis khaub nas, khaub noog tiav, ua li txiav nkawd tub txib tsis muaj es! Khawd tub khaiv tsis tau ! laj tub lag sis yau ces! Yuav mus txib lawd ntiaj teb nkawd tub txib yuav muab nruas muj yig lis qws rov los ntaus, muab qeej lag los tshuab ! tshuab ib zag nrov lawd 9 zag, muaj ib zag nrov mus duj yag es! muaj ib zag nrov muaj pag lis vawm yuav mus tsa duab ntxoo niam nkauj plig sawv ncoj cev yees niaj dab ib tug npoo ntxa no ib sub es !!

5/- paj mos-mos sib saub! Saub sis laws nplia xiv muam paj xi lis mos ! ua txiav duab ntxoo niam nkauj plig rais luj los txog tej yas kab,nws yuav seev yuj yees hais tias: nws tam li puj dab nyab cev qaug los lawd ntxuv, nws khaub ris khaub tsho los lwj huv, nws pw nws li ko 3 txheej 3 tis av mus luaj dub, nws qaij ceeb ntshav qa yiv los lau huv, nws pw nws lis ko 3 txheej 3 tis av mus luaj dag, nws nqaij ceeb ntshav qa yiv los lau tag es ! nws caj hlaub cev lis cua los tsis taus! Nws caj hlaub cev lis cua los tsis nyog es! Nkauj lag ces ! li ncig sis yeev txog tom taj hos! Nkaus lis hlo lub tsho maj tsho tis xov cab,li coj mus roos duab ntxoo niam nkauj plig lawm tej yas kab, duab ntxoo niam nkauj plig li luag lis ntxhi nqis sis nroos rau lub niag nkauj vab no ib sub es !! = paj mos-mos sib saub ! saub sib laws nplia xiv muam paj xi lis mos! Ua txiav duab ntxoo niam nkauj plig

fais luj los txog tej yas kev, duab ntxoo niam nkauj plig yuav seev yuj yees hais tias: nws tam li puj dab nyab cev qaug los lawm lej hos! Khaub ris khaub tsho los lwj tag, nws pw nws lis ko 3 txheej 3 tis av mus luaj dag, nws nqaij ceeb ntshav qas yiv los lau tag es! Nws caj hlaub cev lis cua los tsis taus,caj hlaub cev lis cua los tsis nyog es! Nkauj lag ces li ncig yeev txog tom taj es! Nkaus hlo lub tsho maj tsho tis xov ntev, coj mus roos duab ntxoo niam nkauj plig lawm tej yas kev, duab ntxoo niam nkauj plig li luag lis ntxhi nqis sis nroos rau lub niag nkauj lev no ib sub es !!

6/- paj mos-mos sib saub! Saub sib laws nplia xiv muam paj xi lis mos! Ua txiav nkauj lag ces! Yuav mus ncaws liaj ceg rau tsev peg es! Mus ncaws liaj caug rau tsev taug hos! Nkauj lag ces muab liaj caug rov los tsau es! Kaj ntug tag kis kaj hos! Xab ntuj tag kis ntxov, nkauj lag sawv ntxov los ntaus ncuav nplej es! Laj tub lag sis yau sawy los ntaus ncuav nplaum es! Yuav ntaus ncuav sis nyooj xws ncuav cab, li coj los ua duab ntxoo niam nkauj plig lub tog zaum lis ntua lub niag kauj vab no ib sub es !!

= ua txiav nkauj lag ces! Yuav mus ncaws liaj ceg rau tsev peg es! Mus ncaws liaj caug rau tsev taug hos! Nkauj lag ces li muab liaj caug rov los es! Kaj ntug tag kis kaj hos! Xab ntuj tag kis ntxov, nkauj lag ces! Li sawv ntxov los ntaus ncuav nplej es! Laj tub lag sis yau ces li sawv ntxov los ntaus ncuav nplaum es! Yuav ntaus ncuav sis nyooj xws ncuav cev, li coj los ua duab ntxoo niam nkauj plig lub tog zaum lis ntua lub niag kauj lev no ib sub es !!

7/-Paj mos-mos sib saub! Saub sib laws nplia xiv muam paj xi lis mos ! ua txiav los nag ces nag ntsuag zoov,zoov li

Tuaj taus ntsuag, laj tub lag sis yau ces mus txib ntiaj teb nkawm tub txib tes lauj caum liag tooj es lauj nas caum liag hlau yuav mus txiav lis nrawv txooj xyoob tus yas ncab coj los tuav duav ntxoo niam nkauj plig tes nqis sis nroos lub niag kauj vab no ib sub es !!

= paj mos-mos sib saub! Saub sib laws nplia xiv muam paj xi lis mos !! ua txiav los nag ces nag ntsuag zoov, zoov lis tuaj taus ntsuag, laj tub lag sis yau ces yuav mus txib ntiaj teb nkawm tub txib es! Tes lauj ces caum liag tooj hos!

Lauj nas caum liag hlau es! Yuav mus txiav lis nrawv txooj xyoob tus yas ntev coj los tuav duab ntxoo niam nkauj plig tes nqis sis nroos rau lub niag kauj lev no ib sub es !!

8/-paj mos-mos sib saub ! saub sib laws nplia xiv muam paj xi lis mos!! Ua txiav niam txiv dab rooj pag npaim yuav nug hais tias: duab ntxoo niam nkauj plig ! xyoo nov! koj seev yees los daws lub niag kauj vab, kauj lev es! Ua li tsoos maj es! Puas tau nrog luag hnav txhij hos, tsoos ntuag puas tau nrog luag hnav txhua es! Duab ntxoo niam nkauj plig yuav hais tias: thaum ub nws ua neej nyob, nws nrog luag ua zam ces! Ntoo phuam ntoo 19 ncab es! Ua li cas zaum no nws nrog luag ua zam ces! Tsuas pom lub tsho maj tsho ntuag qos lis ywm lub niag kauj vab no ib sub es !!

= Paj mos-mos sib saub! Saub sib laws nplia xiv muam paj xi lis mos! Ua txiav niam txiv dab rooj pag npaim yuav nug hais tias: ua li duab ntxoo niam nkauj plig es! Koj seev yees yuav los daws kauj vab, kauj lev es! Ua li tsoos maj ces koj puas tau hnav txhij hos! Tsoos ntuag koj puas tau hnav txhua hos! Duab ntxoo niam nkauj plig yuav hais tias: thaum ub nws ua neej nyob, nws nrog luag ua zam ces!

ntoo phuam ntoo 19 chev hos! Zaum no nws nrog luag ua zam ces tsuas pom lub tsho maj tsho ntuag qos lis ywm lub niag kauj lev no ib sub es !!

9/- paj mos-mos sib saub ! saub sib laws nplia xiv muam paj xi lis mos! Ua txiav niam txiv dab rooj pag npaim yuav nug hais tias: ua li duab ntxoo niam nkauj plig es! Koj seev yuj yees yuav los daws kauj vab, kauj lev es! Koj yuav los ntsib lawm leej twg ? duab ntxoo niam nkauj plig yuav teb hais tias: yog laj tub lag sis yau ces yuav mus txiav lis nrawv txooj xyoob tuaj nruab roob hos! Txooj rawm tuaj nruab dawg phua lis plhawv tuaj nruab nrab muaj ib sab khwb los muaj ib sab qhib es! Xyoo no zoo niaj los zoo xyoo es! Neej dab li rais lees rov los sib ntsib no ib sub es!

= paj mos-mos sib saub! Saub sib laws nplia xiv muam paj xi lis mos! Niam txiv dab rooj pag npaim yuav nug hais tias duab ntxoo niam nkauj plig es! Ua li koj seev yees yuav los daws kauj vab, kauj lev es! Ua li koj yuav los ntsib lawm leej twg? Duab ntxoo niam nkauj plig yuav hais tias: yog laj tub lag sis yau ces yuav mus txiav lis nrawv txooj xyoob tuaj nruab roob, txooj rawm tuaj nruab dawg coj los phua lis plhawv tuaj nruab nrab, muaj ib sab khwb los muaj ib sab pua es! Xyoo no zoo niaj los zoo xyoo es neej dab li rais lees rov los sib cuag no ib sub es!

10/- paj mos-mos sib saub! Saub sib laws nplia xiv muam paj xi lis mos! Ua txiav duab ntxoo niam nkauj plig seev yuj yees hais tias: thaum ub nws ua neej nyob, nws tsim tau tes nyiaj txiag cia qab nas hos! Tsim tau tes kub nyiag cia qab hub es! Zaum no kauj vab los daws tas nrhawv es! Kauj lev los daws tas nrho hos! Nkauj hnub qaij sis nroos

yuav dua toj es! Nws yuav tig ntiaj xib lees rov los saib qab  
 yuav pom nws tub,nws kiv muab nws tes txiaj ntaub,txiaj  
 ntawv hlawv cig pluj tsis cig plaws yuav cig pluj plaws  
 mus ua hluav dub, nws yuav tes lauj los txais sis nkaus tes  
 txiaj ntaub,txiaj ntawv coj mus nqis sis nroos rov lawm  
 puag ntuj sua yeeb tim ub no ib sub es!!

= paj mos-mos sib saub! Saub sib laws nplia xiv muam paj  
 xi lis mos! Ua txiav duab ntxoo niam nkauj plig ces! Seev  
 yuj yees hais tias: thaum ub nws nrog luag ua neej  
 nyob,nws tsim tau tes nyiaj txiag cia qab hub,tes kub nyiaj  
 cia qab nas,es! Zaum no kauj vab los daws tas nrhawv,kauj  
 lev los daws tas nrho es! Nkauj hnub qaij sis nroos yuav  
 dau toj hos! Nws tig ntiaj xib lees rov saib qab, pom nws  
 tub nws kiv muab tes txiaj ntaub,txiaj ntawv hlawv cig pluj  
 tsis cig plaws! Yuav cig pluj plaws mus ua hluav tas! Zaum  
 no ces nws yuav tes lauj los txais nkaus nws tes txiaj ntaub  
 txiaj ntawv nqis sis nroos rov lawm yeeb tim nrag no ib sub

11/- paj mos-mos sib saub! Saub sib laws nplia xiv muam  
 paj xi lis mos! Ua txiav duab ntxoo niam nkauj plig siv los  
 qhub hais tias: tav nov ces nkauj hnub qaij sis nroos yuav  
 duaj toj es! Nws kauj vab los daws tas nrhawv hos! Kauj  
 lev los daws tas nrho es! Nws tig ntiaj xib lees rov los saib  
 qab, yuav pom txiv qeej ces! Tawg qeej sis zus tuaj nruab  
 huab, txiv nruas ces yuav rag nruas sis zus tuaj nruab ntsis  
 nws yuav siv los qhub hais tias: zaum no ces nws yuav los  
 nrog nws tub,nws kiv sis faib yig es! Nws yuav ua ib siab  
 mus dia nws poj koob yawm li txwv niaj ib txhis no ib sub!  
 = paj mos- mos sib sub! Saub sib laws nplia xiv muam paj  
 xi lis mos! Ua txiav duab ntxoo niam nkauj plig siv los

qhub hais tias: tav nov nkauj hnub qaij sis nroos yuav dua  
 toj es! Nws kauj vab los daws tas nrhawv hos! Kauj lev los  
 daws tas nrho,nws yuav tig ntiaj xib lees rov los saib qab  
 yuav pom txiv qeej tawg qeej sis zus tuaj nruab ntsis,txiv  
 nruas rag nruas sis zus tuaj nruab huab, nws yuav siv los  
 qhub hais tias; zaum no ces nws yuav los nrog nws tub nws  
 kiv sis faib cuab! Nws yuav ua ib siab mus dia nws poj  
 koob yawm li txwv lawm puag ntuj suas teb nqhuab  
 no ib sub es!!

12/- paj mos-mos sib saub! Saub sib laws nplia xiv muam  
 paj xi lis mos! Ua txiav duab ntxoo niam nkauj plig siv los  
 qhub hais tias: zaum no nws kauj vab los daws tas nrhawv  
 kauj lev los daws tas nrho es! Nws yuav plhis plho ua kab  
 npauj kab xi yas tsaws ntua ntxwj nyug toj peg qas lias toj  
 quav qib es! Teb peg qas lias teb quav ntsuas, zaum no ces  
 nws yuav mus niaj txhiab mev txhis yuav tsis rov los sib  
 cuag lawd no ib sub es !!

= Paj mos-mos sib saub! Saub sib laws nplia xiv muam paj  
 xi lis mos! Ua txiav duab ntxoo niam nkauj plig siv los  
 qhub hais tias: zaum no kauj vab los daws tas nrhawv,kauj  
 lev los daws tas nrho ces! Nws yuav plhis plho ua kab  
 npauj kab xi ntxwj nyug toj peg qas lias toj quav ntsuas teb  
 peg qas lias teb quav qib zaum no nws yuav mus niaj txhiab  
 mev txhis yuav tsis rov los sib ntsib lawd no ib sub es!

13/- paj mos-mos sib saub! Saub sib laws nplia xiv muam  
 paj xi lis mos! Duab ntxoo niam nkauj plig siv los qhub  
 hais tias: zaum no kauj vab los daws tas nrhawv,kauj lev  
 los daws tas nrho es! Nws yuav plhis plho ua kab npauj,kat  
 xi ya tsaws ntua ntxwj nyug 99 txog kev mus puas ntawv

es! Hais rau nws tub, nws kiv hais tias: zaum no kauj vab los daws tas nrho,kauj lev los daws tas nrhawv, kom nws tub,nws kiv nco lis ntsoov hais tias: haj tseem tshuav nws ib tug mus' npua cawv no ib sub es !.

= paj mos-mos sib saub! Saub sib laws nplia xiv muam paj xi lis mos! Ua txiav duab ntxoo niam nkauj plig siv los qhub hais tias: zaum no kauj vab los daws tas nrhawv,kauj lev los daws tas nrho es! Nws yuav plhis plho ua kab npauj kab xi ya plaws tsaws ntua ntxwj nyug 99 txog kab, hais rau nws tub,nws kiv hais tias: kauj vab los daws tas nrhawv kauj lev los daws tas nrho hos! kod nws tub,nws kiv nco lis ntsoov tias haj tseem tshuav nws ib tug mus nyuj dab no ib sub es!

14/-Paj mos-mos sib saub! Saub sib laws nplia xi muam paj xi lis mos! Ua txiav duab ntxoo niam nkauj plig siv los qhub hais tias: hais rau nws tub, nws kiv, txij zaum no mus ces! Tseg tsis txoj es tsawg tsis nrhiav hos! Tseg tsis quaj es! tsawg tsis nyiav cia nws mus xya hli ntuj xub tshiab nqis tawm tuaj es! Nws yuav plhis plho ua kab npauj kab xi xiv lis laws tuaj tus ntsis nqaj es! Nws tub,nws kiv me plig nyiaj, plig kub, plig tub plig kiv ces pw lis ko nws tej mus npoo txaj no ib sub es !

= paj mos-mos sib saub! Saub sib laws nplia xiv muam paj xi lis mos! Ua li txiav duab ntxoo niam nkauj plig siv los qhub hais tias: hais rau nws tub, nws kiv txij zaum no mus ces! Tseg tsis txoj es! Tsawg tsis nrhiav, tseg tsis quaj es! Tsawg tsis nyiav cia nws mus xya hli ntuj xub tshiab nqis tawm tuaj es! Nws yuav plhis plho ua kab npauj kab xi xiv lis laws tuaj tus yees tsev nws tub nws kiv me plig nyiaj, plig kub, plig tub, plig kiv ces yuav pw lis ko nws tej mus npoo lev no ib sub es !!

15/- Paj mos-mos sib saub! Saub sib laws nplia xiv muam paj xi lis mos! Ua li txiav kav yaj ces quaj lawd kav yaj es kav yau quaj lawd kav yau, kav yaj nug kav yau hais tias: kav yau koj nrov ntuj hnub,mus tav nov, koj mag niaj peg tsawg caum qws? Kav yau hais tias: kuv mag 360 qws nrov sib tsub, muaj ib qws nrov zeeg tshaws daim tawv mus nyuj dub.= kav yau nug kav yaj hais tias: kav yaj es koj nrov ntuj hnub mus tav nov,koj mag niaj pes tsawg caum npuaj hos! Kav yaj hais tias: kuv mag 360 npuaj es! Muaj ib npuag nrov mus muaj zag, muaj ib npuag nrov zeeg tshaws daim nplaim tooj dag txiv sis npliag nkauj ces tsis muaj tag lawm tiag no ib sub es!

16/- kuv txiv nkauj ces nkauj tsis ncab,kuv yuav rais roj rais neev rov fib qab, koj txiv qeej ces,koj muaj txug cia zoo txuj es koj mam li ntxias duab ntxoo niam nkauj plig daws nws lub niag kauj va.= kuv txiv nkauj ces nkauj tsis ntev kuv yuav rais roj rais neev rov fib tsev, koj txiv qeej

16/- kuv txiv nkauj ces nkauj tsis ncab,kuv yuav rais roj rais neev rov fib qab, koj txiv qeej ces,koj muaj txug cia zoo txuj es koj mam li ntxias duab ntxoo niam nkauj plig daws nws lub niag kauj va.

= kuv txiv nkauj ces nkauj tsis ntev kuv yuav rais roj rais neev rov fib tsev, koj txiv qeej ces koj muaj txug cia zoo txuj es koj mam li ntxias duab ntxoo niam nkauj plig daws nws lub niag kauj lev no ib sub es !!

= Hais txog nkauj plig hlawv ntawv mas tas li no xwb.

=Tus hais yog yawg: Tub ntxawg lis paj laum.

## Zaj txhiaj txhais plig ntawm qhov rooj tag thaum doy kauj tag es rov los tsev.

1/- tus hauv tsev nug: tub txawg nes tub txawg! Koj paub Qas tsi ziag lub ntuj hhub ! koj paub ! koj los txhais lub! Kuv yuav qhuas koj sis ntxhub ! koj pom qas tsi ziag lub teb hla! Koj paub! Koj los txhais kiag ! kuv yuav qhuas koj lawm tej sis ntxhias no nes tub txawg? Nes tub txawg !

2/- tus nraum zoov teb : kwv luag nes kwv luag! Koj hais tias yog qas tsi ziag lub ntuj hhub ? kuv hais tias: yog ntses nuj ziag lub ntuj hhub ! koj qhuas kuv lis ntxhub yuav tshav kuv ntuj lawm niaj ib hnub los mas kwv luag.

= kwv luag nes kwv luag ! koj hais tias yog qas tsi ziag lub teb tiag ? kuv hais tias : yog ntses nias ziag lub teb tiag, koj yuav qhuas kuv sis ntxhias! Ces yuav tshav kuv ntuj lawm tej sis liag no nes kwv luag.

3/- Nug : Tub txawg nes tub txawg ! ua li ntses nuj ziag tau lub ntuj hhub, ntses nias ziag tau lub teb tiag, ua li noob neej ces tawm qhov twg tuaj es! noob tsav ces tawm qhov twg los no nes tub txawg nes tub txawg ?

= Teb: kwv luag nes kwv luag! Noob neej ces pw lis ko tej phau tsuj hos! Noob tsav ces pw ko lis tej phau npuag ! yog niam puj saub ! tso tsuj nplug los nplug noob neej es! Noob neej ces li tawm tau tuaj hos! Yog saub yawm tso nplug nplaim los nplug noob tsav es! Noob tsav li tawm tau los

noob neej ces tawm qhov no tuaj es, noob tsav ces tawm qhov no los no nes kwv luag.

4/- Nug: Tub txawg! Nes tub txawg! Ua li noob neej tawm taus tuaj es! Noob tsav tawm taus los! Ua li cas noob neej thiaj li txawj ploj es! Noob tsav thiaj li txawj tuag no nes ?

= Teb: kwv luag! Nes kwv luag! Noob neej tawm taus tuaj es! Noob tsav tawm taus los! Noob neej ces nyob huaj vam mus puv ntuj es! Noob tsav ces nyob huaj vam mus puv ntiaj teb! Yog vim noob neej nyob mus ntshaw ploj es! Noob tsav nyob mus ntshaw tuag, noob neej ces mus khaws tsov nywj nyoog nyuag tub tuag tuaj nruab kab ! coj los pam ua quav quaj hos! Noob tsav ces mus khaws tsov nywj nyoog nyuag tub tuag tuaj nruab kev! Coj los pam ua quav nyiav es! Noob neej ces! Li ua qeej plhaub mag coj los tshuab, tshuab ib zag nrov lawm 9 zag muaj ib zag nrov nto plaws ntxwj nyug qab mus ntuj dag , noob tsav ces! Li ua nruas dua tau coj los ntaus ib qws nrov lawm 9 qws muaj ib qws nrov nto plaws ntxwj nyug qab mus ntuj txws, ntxwj nyug li tsa ncauj hais tias: ua li cas txhia niaj lub ntuj tsis qeeg, txhia xyoo lub teb tsis ncha, xyoo no lub ntuj yuav qeeg, lub teb yuav ncha, ntxwj nyug li qhib rooj ntug nrug nrus luaj tsos xib, ntxwj nyug li hais tias: yog noob neej mus ntshaw ploj, noob tsav mus ntshaw tuag, ntxwj nyug li tso lub mob poob los lawm tuaj kub sis rhib.

= ntxwj nyug li hais tias: ua li cas txhia niaj lub ntuj tsis qeeg, txhia xyoo lub teb tsis ncha, xyoo no lub ntuj yuav qeeg, lub teb yuav ncha, ntxwj nyug li qhib rooj ntug nrug nrus luaj tsos xuv, ntxwj nyug li hais tias: yog noob neej

mus ntshaw ploj, noob tsav mus ntshaw tuag, ntxwj nyug li tso lub mob poob los lawm tuaj kub sis nuv.

= ntxwj nyug li tso lub mob poob lis nthav tuaj rau nram toj es !niam nkauj plig mus khaws tau coj ces niam nkauj plig li tau ploj hos! Ntxwj nyug li tso lub nkeeg poob lis nthav tuaj rau nram tsuag! Niam nkauj plig mus khaws tau puag niam nkauj plig lis tau tuag no nes kwv luag nes kwv luag

5/- Nug: Tub txawg nes tub txawg! Ua li neb xa niam nkauj plig mus txog tim toj es , niam nkauj plig muab qas tsi rau neb coj los fi nws tsev yeej ncuab poj nes tub txawg ? ua li neb xa niam nkauj plig mus txog tim dawm, niam nkauj plig muab qas tsi rau neb coj los fi nws tsev yeej ncuab yawm no nes tub txawg.?

= Teb: kwv luag nes kwv luag! Txawj nkiag thiab lauv tsaw wb! Xa niam nkauj plig mus txog tim toj, nws plhis plho ua kab npauj,kab xi ya plaws mus cuag tau nws npoj nws tso plhuav yeej ntxws,ceeb ntxws rau wb coj los fi tsev yeej ncuab poj. Wb xa niam nkauj plig mus txog tim dawm nws plhis plho ua kab npauj, kab xi ya plaws mus cuag tau nws nkawm, nws tso plhuav yeej mis ceeb mis rau wb coj los fi nws tswv yeej ncuab yawm no nes kwv luag.

6/- Nug: tub txawg nes tub txawg! Ua li neb rais luj ua tus feb,rais lees ua tus rov, neb cej yaig nqa qas tsi ? saum qaum ris li cas no nes tub txawg ? .

= Teb: kwv luag nes kwv luag, npauj teeg thiab lauv tsaw wb rais luj ua tus feb, rais lees ua tus rov, wb cej yaig nqa

tau 99 txwg tub mab, saum qaum ris tau 88 ntswg zoo mus liaj ncab, wb cej yaig nqa tau 99 txwg tub qhev, saum qaum ris tau 88 ntswg zoo mus liaj ntev, wb rais luj rov los poob, rais lees rov los txog, wb pom toj laug los thaiv nkaus wb txoj hauv kab, pom ntsa laug los thaiv nkaus wb txoj hauv kev, pom rooj qaug rooj lis das, ntsa qaug ntsa lis de, npauj teeg thiab lauv tsaw wb yuav tsaws vaj, tsaws tsis taus vaj, wb yuav tsaws tsev,tsaws tsis taus tsev no nes kwv luag. Koj nyuj cab ces pw ko qab pas liaj hos! Koj nyuj cab ces tsis sawv tawm tuaj es! Koj nyuj ntsaum ces pw ko qab pas iav! Koj nyuj ntsaum ces tsis sawv tawm los no nes kwv luag, nes kwv luag. ( hais li no ces ce cawv rau haus )

7/- Nug : Tub txawg nes tub txawg ! lub ntuj raug hnub tab yim txheej ub ! lub teb raug hnub tab yim txhwbi ua li koj paub kuv tus meej fab nos yam txws nes tub txawg ?

= Teb : kwv luag nes kwv luag! Koj tus meej fab ces yog suav txawj txeeg nyob mus txawj txws,suav txawj txeeg ces noj suj sab looj swm pem ceeb tsheej txum, yuav txum zog tau tus meej tab, suav suj huam hu ua tus meej fab, peb tub hmoob neej tsa txawj txeeg tsis txawj txws, peb txws zog tau tus meej tab, ces peb hmoob suj huam muab hu ua tus ncej mus puab ntsa no.

= suav txawj txeeg nyob txawj txawb mus txawj txws, suav txawj txeeg noj suj sab looj swm pem ceeb tsheej txum, txum zog ua xwm phooj, suav suj huam hu ua tus meej teeb mus meej looj, peb tub hmoob neej tsa txawj txawb tsis txawj txws, peb txws tau tus meej teeb mus meej looj, peb suj huam hu ua tus ncej mus puab rooj no nes kwv luag.

8/- Nug : Tub txawg nes tub txawg! Lub ntuj raug hnub tab yim txheej ub ! lub teb raug hnub tab yim txhwbi koj paub yog qas tsi ziag rooj ruaj es! Yog tsav twg ziag ntsa khov tsav twg zog li loj es! Nkawm twg zog li ncha rooj li qhib lis plhawv ntsa li qhib lis plho nes tub txawg ?

= Teb : kww luag nes kww luag! Yog koj tus las nyiaj ziag rooj ruaj es! Yog las hlau ziag ntsa khov hos! Npauj teeg thiab lauv tsaw wb yuav tso plhuav wb rawg tooj tus cev yau chaws nplho koj tus las nyiaj txoj hlab siab, koj tus las nyiaj yuav poob los lawm tej sis niab.

= wb yuav tso plhuav wb rawg tooj tus cev soob chaws nplho koj tus las hlau txoj hlab plawv, koj tus las hlau yuav poob los lawm tej sis zawv no nes kww luag, nes kww luag.

8/- Nug : Tub txawg nes tub txawg! Ua li dej dag nyab yees ob tog tuaj, neb yuav ua li cas thiaj los poob plaj, Av nam nyab yees ob cag los, neb yuav ua li cas thiaj tau los poob tsev no nes tub txawg ?

= Teb : kww luag nes kww luag, nyob nraum rooj cia zoo pluaj xyoob, nyob nraum ntsa cia zoo pluaj rawm, pluaj xyoob yuav nplua txawj nkiag taw lis npleev los poob plaj pluaj rawm yuav nplua lau tsaw taw lis npleev los poob tsev no nes kwg luag.

= hais txog txhiaj txhais plig ntawm qhov rooj mas tas li no

= tus tshawb fawb yog: major. Tougeu leepalao.

## 18 Xeem hmoob

Hmoob 18 xeem lub hwj chim meej mom uas yog ntuj feeb teb foom rau noob neej hmoob muaj li nram no.

- 1- xeem lis.....lis tuam thawj ( yog hmoob tij laug )
- 2- xeem vaj.....vaj hwj huaj ( yog kuab muaj tsuas )
- 3- xeem tsab.....tsab kav cai ( fab tsuam kab tob )
- 4- xeem xyooj...xyooj tsa chij. ( fab tswj teb kav chaw )
- 5- xeem muas.....muas tswj hwm ( fab kav pej xeem )
- 6- xeem yaj.....yaj nto moo. ( phooj ywg thoob plaws )
- 7- xeem thoj.....thoj tuav ruaj.( fab liaj teb,lag luam )
- 8- xeem kwm.....kwm khaws cia.( yog fab nyiaj txiag )
- 9- xeem hawj.....hawj xav tau.(fab kawm ntawv txuj ci)
- 10-xeem koo.....koo xav hais.( fab laj tav haub yaum )
- 11-xeem khab...khab xav kho.(fab txhim kho teb chaws)
- 12-xeem ham.....ham xa xov.(fab xa ntaub xa ntawv )
- 13-xeem lauj.....lauj yeeb yam.(fab yeeb yam tes taw )
- 14-xeem vwj.....vwj xav pab.( fab kev pab cuam )
- 15-xeem phab....phab kav xwm.(fab saib kev ruaj ntseg)
- 16-xeem faj.....faj txoov kav.( fab tswv kav nras )
- 17-xeem tsheej.....tsheej txoov cuam.(fab tswv nroog)
- 18-xeem tswb.....tswb maum los. (fab tswv zej,tswv zos)

= 18 xeem yog hmoob hwj chim koob hmoov zoo nyob lub ntiaj teb no, yog hmoob paub siv hmoob yuav sawv ciaj ib haiv neeg muaj meej mom zoo kawg.


Major. Tougeu leepalao.



**major.Tougeu lee.**

**Lub rooj qhau xim. Foom kom.**

1.cuab tsav.2.muam phauj.3 txiv dab laug.  
4.xeev txwj laug.5.txiv txiag.6.txiv qeej.  
7. txiv thwv( tshwj kab ) niam txam sam.



**Tub xyom cuab**

